

զաւոր և անբուժելի վէրքեր և սպիներ գոյաց-
նելու... Մենք ուշադրութիւն ենք պահանջում
այս ցաւալի իրողութեան մասին այն պարունե-
րի՝ որոնք յանձն են առել զեկամար և առաջ-
նորդ լինելու այսպիսի անտէր և անօգնական
ժողովրդի...

Իմանում ենք, որ նոյն տեղի վրայի իշխան-
ները մի խնդիր են պատրաստել տէրութեանը
ներկայացնելու, որի մէջ յիշել են թէ իբր ի-
րանք հայոց եկեղեցու գաւթուժը արդէն կա-
ռուցել են ուսումնարան (որ ոչ թէ վրաց այլ
հայոց կառուցված է, ուրեմն և սեպհականու-
թիւն այս վերջիններս, վրացիք սեպհական ու-
սումնարան չունեն կառուցված), և խնդրում են
այժմ մի ուսուցիչ, և նրա վրա իրանք ստորագ-
րելով, ստորագրել են տուել և նոյն տեղի հա-
յերին, որ ամենին չեն գիտացել այն խնդրի
բովանդակութիւնը... Ահա այսպէս են ընթա-
նում մեր ազգային գործերը, պ. խմբագիր, թէ
ամեն մի անկիւնում պաշտօններով և իրա-
ւունքներով մարդիկ ունենք:

ՆԵՐՔԻՆ ԼՈՒՐՆԵՐ

Ստացանք մի փոքրիկ, ութ երեսից բաղկա-
ցած բրօշուր հայերէն լեզուով, որ տպված է
Թիֆլիսում, Զ. Մարտիրոսեանցի տպարանում:
Բրօշուրի վերնագիրն է. «Սուրբ Էջմիածնի զան-
գակը» և ստորագրված է Թորոս ձիահեծանի:

Ա.Լ.ԲԱՍՄԱՆԻՍԻՍԻՍ մեզ գրում են. «Հաս-
տատ աղբիւրներից իմացանք, որ աւելանգրա-
ւորելի երեք պատգամաւորներից որոնք եկած
էին Էջմիածին Կաթողիկոսին ներկայանալու հա-
մար, նրանցից մի հոգի միայն իրաւունք ստա-
ցաւ ներկայանալ վիճաբանին, իսկ երեքին միա-
սին ներկայանալը Մանկունին յարմար չը հա-
մարեց: Կաթողիկոսին ներկայացողը, ասում են
բժիշկ և եղբւր»:

Լսում ենք որ Թիֆլիսի մեր հայ նշանաւոր
բժիշկներից մին կանչված է Էջմիածին, Կաթողի-
կոսի անյուսակ ճիւղադպրոցն պատճառով:

Յիշեցնում ենք Թիֆլիսի հայոց հասարակու-
թեանը որ այսօր, ուրբաթ օր, պ. Ա. Թոխմա-
խեան կրկնելու է իր գաղափարները Արթուր-
նաւ թատրոնում:

ԱՍԻՍՏՈՎԻՑ մեզ գրում են. «Այս տարի Սա-
րատովի և Սամարայի նահանգներում շատ առատ
հունձ է սպասվում: Այստեղ շատ յաճախ կրկն-
վում են անձնատապալութիւններ: Տեղական պո-
լիցիան խիստ հակադրութիւն է անում կարգ պահ-
պանելու վրա, որպէս զի ուրիշ տեղ եղած հա-
կաճական շարժումներ այստեղ չը պատահեն:
Տեղիս գումարում հարց է յարուցված կոմս Լո-
րիս-Վէլիքովին ցաւակցութիւն յայտնել նրա
հրաժարականի մասին և առաջարկել նրան Սա-
րատովի պատուաւոր քաղաքացու կոչումը»:

Վաւրայից, պ. Յովհաննէս Տէր-Յակովբեանց
խնդրում է մեզ յայտնել որ «Մշակի» 82 համարի
մէջ տպված Վաւրայի նուիրատուների ցուցակի
մէջ մասն հետեւայ սխալները. Կոստանկ Կուզ-
նեցովի և Յովհաննէս Տէր-Յակովբեանցի անուն-
ները տպված էին, բայց յիշված չէր թէ որքան
գումար են նուիրել այդ պարոնները: Այժմ
յայտնում ենք որ առաջին պարոնը նուիրեց 1
րուբլ, իսկ երկրորդը 3 րուբլ:

Հարաւային Ռուսաստանի ուսումնարանները հա-
զորդում են որ Օդէսայում, Կիւիւում և ուրիշ քա-
ղաքներում հակահեղափոխական անկարգութիւններից
յետոյ կալանաւորվածներից շատերին պօլիցիան
բօլզոգով էր ձեռնում ու արձակում: Ասում են որ
մինչև անգամ մի քանի կանայք ենթարկվեցան
այդ պատիժին:

Այժմ լսում ենք որ Թիֆլիսի օրիորդական
խնամատուում և Ս. Նինայի իգական դպրոցում
վաճակված փողը ոչ թէ 120,000 է, այլ հասնում
է 150,000 րուբլ գումարի: Լսում ենք նոյնպէս,
որ իշխան Սիդամոն Լիւրստովի վրա, որ գանձա-
պահ էր այդ երկու դպրոցներում, արդէն դա-
տաստանական քննութիւն է նշանակված:

ԱՐՏԱՔԻՆ ՏԵՍՈՒԹԻՒՆ

ՍԵՐԲԻԱ

Սերբիայի իշխան Միլան, ինչպէս հա-
զորդում են լրագիրները, այժմ ճանապարհ-
հորդում է Եւրոպայի մէջ, որպէս զի հա-
մոզի մի քանի պետութիւններին չընդգի-
մանալ սերբիական իշխանութիւնը թագա-
ւորութիւն դարձնելու գործին: Իշխան Մի-
լան այցելեց Աւստրիայի, Գերմանիայի և
Ռուսաստանի մայրաքաղաքները և ամեն
տեղ նրան մեծ պատուով ընդունեցին: Այժմ
իշխանը Ս. Պետերբուրգի մէջ է:

Իշխան Միլանի ընդունելութեան մասին
Բելլինի մէջ ստացված են հետեւեալ տե-
ղեկութիւնները: Իշխան Միլանին երկա-
թուղու կայարանի մօտ Բելլինի մէջ ըն-
դունեցին նահանգապետը և կայսրի ազիւ-
տանները, որոնք առաջնորդեցին նրան պա-
լատը: Ժամի 2-ին իշխանին այցելեց կայսր
Վիլհելմ և այդ այցելութիւնը բաւական
երկար ժամանակ տեւեց: Միւս օրը պալա-
տի մէջ ի պատիւ իշխան Միլանի մի ծաշ-
կերդի կազմվեցաւ, որին ներկայ էին թա-
գաւառաւոր, կայսերական տան անդամները,
բազմաթիւ զենեւաւոր և մինիստրներ:

Բէլլինից հաղորդում են, որ իշխան
Միլան կը վերադառնայ իր մայրաքաղաքը
մինչև օգոստոսի 2, երբ լինում է սերբիա-
կան ժողովրդական տօնը: Լրագիրները հա-
զորդում են, որ նա նորից կը ճանապարհ-
հորդէ Եւրոպայի մէջ իր ամուսնի հետ,
բայց առաջ իրան Սերբիայի թագաւոր կը
յայտնի, եթէ կը ստանայ Աւստրիայի,
Գերմանիայի և Ռուսաստանի համաձայնու-
թիւնը:

Ռուսաց լրագիրները յայտնում են հե-
տեւեալ մտքերը Սերբիայի մասին: Իշխան
Միլան առիթ չունի կասկածել Ռուսաստա-
նի համակրութիւնը և նրա դիպլոմատիա-
կան օգնութիւնը Սերբիան թագաւորու-
թիւն յայտնելու գործի մէջ: Աւստրո-Ուն-
գարիայի և Գերմանիայի համաձայնութե-
նից յետոյ բոլոր դժուարութիւնները Սեր-
բիան թագաւորութիւն յայտնելու համար
հեռացրած են: Սերբիայի կառավարութեան
և ժողովրդի ցանկութիւնը՝ պակսել իրանց
ազգային անկախութիւնը թագաւորական
բարձր արտոգոսով, շատ հասկանալի է, մա-
նաւանդ որ այդ արտոգոսը համապատաս-
խանում է սերբիական ժողովրդի դրու-
թեանը և նրա պատմական ցանկալի գա-
ղափարներին: Սերբիական վաղմի հզօր
թագաւորութիւնը, որ զարեւոր արեւմտահեղ
պատերազմի օգնութեամբ նորից ձեռք է
բերել իր կատարեալ անկախութիւնը չէ
կարող բովմիւրայից ստոր մնալ, չէ կարող
իշխանութիւն լինել, քանի որ բովմիւրան
թագաւորութիւն է յայտնված: Իշխան Մի-
լանի կատարելապէս օրինաւոր ցանկութիւնը
անկասկած բաւականութիւն կը ստանայ և
Սերբիան կը բռնի իր տեղը Եւրոպայի պա-
լատական անկախ պետութիւնների շար-
քում:

Այդ գործը աւելի դրական նշանակու-
թիւն ունի Աւստրո-Ունգարիայի համար,
որ տիրում է հին սերբիական մի քանի եր-
կիրների վրա, որոնց ազգաբնակչութիւնը չէ
ծածկում իր համակրութիւնը զէպի իր
նախկին հայրենիքը: Բայց Աւստրիայի ազ-
գեցութիւնը Սերբիայի մէջ այժմ գերակշ-
ռող է և նա մի քանի զիջումներով կա-
մենում է այդ ազգեցութիւնը աւելի էլ
սաստակացնել: Սերբիան թագաւորութիւն
դառնալուց յետոյ նրա յարաբերութիւնները

Աւստրիայի հետ աւելի էլ բարեկամական
կը լինեն:

ՖՐԱՆՍԻԱ

Ֆրանսիական սենատը մերժեց պատգա-
մաւորների ժողովից հաստատված Բարբու-
րնորդական օրինագիծը: Գամբետտայի
բազմաթիւ կուսակիցները չէին սպասում
այդպիսի կատարեալ անաջողութեանը և
կարծում էին, որ սենատը դուրս կը փոփո-
խէ օրինագիծի առանձին յօդուածները, բայց
ամբողջապէս չի մերժի: Հանրապետական
լրագիրները յօդուածները չեն համապա-
տասխանում այն սպասելիքներին, որ նը-
րանք անում էին սենատին, եթէ նա ընդ-
գիմարէր պատգամաւորների ժողովի վըժ-
ռին «République Française» լրագիրը
խոստովանում է, որ Գամբետտա և նրա
կուսակցութիւնը կատարելապէս յաղթված
են: Այդ լրագիրը կարծիք է յայտնում,
որ այդ գործի անաջողութիւնը կարող է
ապագայում նշանաւոր դժուարութիւններ
պատճառել և որ ընտրողական նոր ձեւի
պաշտպան հանրապետական կուսակցութիւնը
կը հասնի իր նպատակին, եթէ հարկաւոր
լինի մինչև անգամ սենատին վնասել:
Պատգամաւորների ապագայ ընտրութիւն-
ները կը վճռեն ոչ թէ միայն Բարբու-
րնորդի, այլ և սենատի վիճակը, որովհե-
տեւ, եթէ պատգամաւորների նոր ժողովը
թշնամարար վերաբերվի սենատի վերջին
քուէարկութեանը, ուրեմն սենատը յաղթ-
ված կը լինի և կերեայ, որ ժողովուրդը
պախարակում է նրա բռնած ընթացքը:
Իսկապէս դժուար չէ նկատել, որ «Républi-
que Française» լրագրի գաղափարները
հակասում են վիճելի հարցի գործնական
զրուցեանը: Սենատը նոյն իսկ այն պատ-
ճառով մերժեց պատգամաւորների ժողովի
վճիռը, որպէս զի միջոց տայ ընտրողներին
յայտնել իրանց կարծիքը ընտրողական ձեւի
մասին: Գոնեա այդ պատճառաբանութիւնը
զիւստուր տեղ էր բռնում սենատի մասնա-
ժողի գեկուցման մէջ: Ժողովուրդը կարող
է հաւանութիւն տալ ընտրողական այս
կամ այն ձեւին, պատգամաւոր ընտրելով
այս կամ այն ձեւի ընտրութիւնների կու-
սակցին: Բայց ինչպիսի ընտրութիւններ էլ
պատահեն, Ֆրանսիական սենատը այնու-
ամենայն կը մնայ:

Այդ հարցին աւելի մեծ նշանակութիւն
են տալիս այն հանրապետականները, որոնք
միշտ թշնամի են եղած սենատի հիմնելուն
և որոնք այժմ կամենում են օգուտ քաղել
Գամբետտայի կուսակցութեան տրամադրու-
թենից սենատի գոյութեան մասին հին
վէճը բարձրացնելու համար: Արմատական
կուսակցութեան «Rappel» լրագիրը ար-
դէն մի յօդուած է տպել «սենատի կու-
րուստը» վերնագրով, որի բովանդակու-
թեան մասին կարելի է գտաւել վերնա-
գրից: Բայց Ֆրանսիական ժողովուրդը հա-
զիւ թէ յանձն կառնի կասկածանքի են-
թարկել ներկայումս գոյութիւն ունեցող
որ և է հիմնարկութիւն և այնպիսի հար-
ցեր բարձրացնել, որոնք կարող են կասկա-
ծելի դարձնել 1875 թուականի սահմանա-
դրութեան գործադրութիւնը: «Rappel»
լրագրի ցանկացած փորձերը կարող են շա-
հաւետ լինել հանրապետութեան թշնամի
բռնապետեանների և կղերականների հա-
մար, որոնք մերժում են այն օրէնքների
հեղինակութիւնը, որոնցով որոշվում է
Ֆրանսիայի պետական այժմեան կազմակեր-
պութիւնը:

ԱՆԳԼԻԱ

Կանանց կալուածական միութեան ան-
գամ և հրապարակախօս օրիորդ Աննա Պար-
նել աւելի արմատական մտքեր է յայտնում
զանազան ժողովների մէջ, քան թէ նրա
եղբայրը և մի և նոյն ժամանակ, իբրեւ կին,
օգուտ է քաղում պօլիցիայի ներողամու-
թենից: Նորիւրում օրիորդ Պարնել մի ճառ
արտասանեց Տուլի մէջ: Նրան շրջապակ
էր կանանց հասարակութիւնը, իսկ տղա-
մարդիկ դուրսը այնքան էին հաւաքվել, որ
անցնելու տեղ չը կար: Չիտուր ժողովարձ
ները ի զուր տեղ աշխատում էին հեռաց-
նել տղամարդիկը: Նրանց մտաւրի
հարուածներով դուրս արին: Այնուհետեւ
օրիորդ Պարնել իրան լսող կանանց հետ
մտաւ եկեղեցու բակը, որտեղ շարունակ-
վեցաւ նրանց ժողովը: Հրապարակախօս օ-
րիորդը գլխաւորապէս յարձակվում էր պո-
լիցիայի վրա, զգուշացնելով իրան լսող կա-
նանց պօլիցիայի շողոքորթող խորհախու-
թենից: Բացի այդ օրիորդը աւելացրեց, որ
Ֆորստեր գաղտնի հրահանգներով պատուի-
րել է պօլիցիային ձեռք բերել տղապե-
րների հաւատարմութիւնը:

Այս ընդհանուր ատելութիւնը զէպի
պօլիցիան մի նոր շրջան է կազմում իրան-
գական անկարգութիւնների պատմութեան
մէջ: Գեռ նորիւրում կալուածական միու-
թիւնը հրամայում էր իր գործակալներին
զանազանել դատաստանական վճիռները կա-
տարողներին հասարակ պօլիցիականներից:
Առաջինները չարագործներ էին համարվում,
երկրորդները նրանց ակամայ գործիքնե-
րիս այժմ բոլորն էլ միատեսակ ատելի են
դարձել իրանգացիների համար, այնպէս որ
պօլիցիական գործակատարի հետ խօսելը
վտանգաւոր է դարձել: Ձիւնուրները գեռ
ևս պահպանել են իրանց հեղինակութիւնը
ամբողջ մէջ, մինչդեռ պօլիցիականները
կատարելապէս քարկծվում են ժողով-
րից: Քանի որ զինուորներն էլ սկսել են
մասնակցել Ֆերմերներին արտաքսելու գոր-
ծին, նրանք էլ կորցնում են իրանց հեղի-
նակութիւնը:

Արդհետեւ լուր տարածվեցաւ, թէ Տու-
լի մէջ կալանաւորված է մի յարգված Ֆեր-
մեր, այնտեղ մի քանի հազար մարդ հա-
ւաքվեցաւ: Ամբողջ կտրանց հեռագրական
թիւերը, փչացրեց ճանապարհները և կա-
մուրջները: Այդ կոմունիստական մէջ շատ
գործեր ուղարկվեցան Մի քանի այլ կոմ-
սոթիւնների մէջ պատերազմական դրու-
թիւն է յայտնված:

Իրլանդիայի նահանգներից մէկի մէջ նո-
րիւրում մի ազգաբարութիւն տարածվեցաւ,
որից երեւում է Իրլանդիայի այժմեան տրա-
մադրութիւնը: Այդ ազգաբարութիւնը
սպառնում է մահով մի Կեննեդին և նրա
մէջ ի միջի այլոց ասված է. «Այդպիսի
անպիտաններին պէտք է կոտորել, եթէ
մինչև անգամ նրանց պաշտպանէին թա-
գուհու բոլոր գործերը: Մենք այլ ևս չենք
համբերի կալուածատէրերի բռնաւորու-
թիւնը, որոնց վերջին ժամը արդէն հասել
է: Կորչեն կալուածատէրերը: Հողը պատ-
կանում է իրլանդական ժողովրդին, որ
նրան իր քրտինքով նրա համար չէ ջրում,
որ այդ հողի պտուղներով ձրիակները
ապրեն: Կորչեն բռնաւորները»:

ԳԵՐՄԱՆԻԱ

Գերմանական կիսապաշտօնական լրագրի-
ները հերքում են այն լուրը, իբր թէ իշ-

խան Բիսմարկի առողջութիւնը լաւանում է: Այդ լրագիրները տեղեկութիւններ համեմատ, թէպէտ իշխան Բիսմարկի հիւանդութիւնը չէ ստատիստիկ, բայց նա անկարող է ընդունել սովորական գիւտ-ցումները և անկողնի մէջ պարապում է ամենանահապետ զործերով:

Կարլսրուէի մէջ յունիսի 7-ին բացվեցաւ ուսուցչական մի մեծ ժողով, որին ներկայ էր հասարակական մեծամասնութիւնը: Ժողովին մասնակցում էին 2,000 աւելի ուսուցիչներ և փարժուհիներ, որոնք եկել են Գերմանիայի, Աւստրիայի և Շվեյցարիայի գանազան տեղերից: Փարիզից Ֆրանսիական կառավարութեան յանձնարարութեամբ եկել էր ժողովագրական—ուսումնա-րանների տեսուչը: Ժողովին ներկայ գտնվեցաւ Բագենի դուքսը:

Բերլինի մէջ լուր է տարածված, որ այս ամառ գերմանական կայսրը կը տեսնուի աւստրիական կայսրի հետ Բագենի մէջ քաղաքական նպատակով, որ գիտ յայտնի չէ: Բայետառակն ներկայացվեցաւ այն մասնա-ժողովի գեղեցումը, որ քննում էր ժողովրդական խնդրագիրները քաղաքական պարտադիր ամուսնութեան գէմ: Այդ հարցի քննութեան ժամանակ լայնատաղի նիստերը երեւի չափազանց աղմկալի կը լինեն: Գերմանական կառավարութիւնը ներկայումս բանակցում է Բրեմեն քաղաքի վարչութեան հետ, պահանջելով, որ նաւահանգստի մէջ մասնաւոր բնակարաններ և մասնաւոր արգիւնաբերական հիմնարկութիւններ չը լինեն: Բրեմենի քաղաքային խորհուրդը կարծիք է յայտնում, որ այդ պահանջը անիրագործելի է, քանի որ նաւահանգստի մէջ բազմաթիւ շէնութիւններ կան: Քաղաքային խորհուրդն էլ այն պիտի պահանջներ է առաջարկում, որոնց գերմանական կառավարութիւնը աշխատում է սահմանափակել:

Իշխան Բիսմարկի առաջարկութիւնը գերմանական «տնտեսական խորհուրդ» հիմնա-լու համար կրեղիտ տալու մասին լայնա-ստաղը մերժեց ձայների մեծամասնութեամբ: Առաջարկութեան գէմ քուէարկող ազգային-ազատամիտների հետ միացան առաջագիւն-ները և կենտրոնական կուսակցութեան մեծամասնութիւնը: Կառավարութեան կողմից խօսող Բեռտոլիսիւր այնպիսի դժուար դրութեան մէջ գրվեցաւ ընդդիմադրողնե-րից, որ ստիպված էր խոստովանել նրանց ասածների ճշմարտութիւնը: Այդ օր խօսեց Նոյնպէս և Բիսմարկ, որ ասաց, թէ այդ օրինադրով իր ստիպութեան համեմատ իշխան Բիսմարկի ձեռնամուխ է լինում միացնող պետութեան սկզբունքին: Բայետառ-գի այդ օրվայ նիստին ներկայ էր իշխան Միլան:

Նոյն օրը կայսր Վիլհելմին ներկայացաւ Սերբիայի նոր դեսպան, գնդապետ Պետրո-նովիչ: Կայսրը ընդունեց գեսպանի հաւա-տարմովդները և երկար խօսակցութիւն ունեցաւ նրա հետ: Այնուհետեւ կայսրը խորհրդակցեց արտաքին գործերի մինիստ-րի հետ ու ընդունեց ուսուցչական Սա-բուրովին: Գեսպանի և կայսրի խօսակցու-թիւնը իշխան Միլանի ճանապարհորդու-թեան նպատակի մասին էր: Աւստրո-Ուն-գարիայի և Գերմանիայի մէջ եղած զազո-տի դաշնագրութեան հիման վրա Գերմա-նիան պէտք է ճանաչէր Սերբիայի ին-գաւորութիւնը, քանի որ Աւստրիան տուել էր իր համաձայնութիւնը: Այդ պատ-ճառով կայսրը կամենում էր իմանալ ուս-սաց կառավարութեան կարծիքը, որ հե-տեւում է անկախ քաղաքականութեան Բալ-

կանեան ժողովրդների վերաբերութեամբ: Վաճառականների և արհեստագործների ժո-ղովը յունիսի 17-ին կը քննէ ապագայ աշ-խարհահանգէսի նախագիծը, որ լինելու է Բերլինի մէջ 1885 թուականին: Այդ ժո-ղովին կը մասնակցեն քաղաքային խորհու-րդի անդամներ, կայսերական պարլամենտի և պրուսական սէյմի պատգամաւորները:

ԹԻԻԻԻԻԱ

Կ. Պոլսից հաղորդում են, որ ալբան-ցիները զիմէ են մեծ պետութիւնների ներկայացուցիչներին մի խնդրագրով, որի բովանդակութիւնը հետեւեալն է: Ալբանա-կան ժողովուրդը միշտ ազատ է եղել, իսկ վերջին ժամանակները ալբանցիներով բնա-կեցրած մի քանի նահանգներ անցել են օ-տար պետութիւնների ձեռքը և Ալբանիա-յի ազատութեանը վտանգ է սպառնում: Այդ մի ալբանցի չէ կարող հանգիստ մնալ, ի նկատի առնելով այդ վտանգը: Երկար մտածելուց յետոյ ալբանական ժողովուրդը իր ապագայի ապահովութեան համար ան-հրաժեշտ է համարում հետեւեալ պայման-ները: 1) Ալբանցիներին, իրեն Եւրոպայի մէջ ապրող քաղաքականութեան համար ընդունակ ժողովրդին, իրաւունք տալ հայ-րենիքը, կրօնը և պատիւը պաշտպանելու համար: 2) որոշել նրանց յարաբերութիւն-ները սուլթանի հետ և յայտնել նրանց ինքնավարութիւն ունեցող հպատակներ: 3) միացնել ալբանցիներով բնակեցրած ճորս վիլայետները և նրանց ալբանական նահանգ անուանել: Այնուհետեւ խնդրագրի մէջ ասված է, որ ալբանցիները վաղուց աշ-խատում են միացնել իրանց երկիրը և ինք-նավարութիւն ստանալ, բայց նրանց աշ-խատանքները ապարդիւն են անցնում և նրանց դրութիւնը աստիճանաբար վատա-նում է: Թիւրքաց կառավարութիւնը նրանց օրինաւոր պահանջները ապստամբութիւն է համարում և նրանց դէմ ուղարկել է Գեր-վիշ-փաշային: Ալբանցիները խնդրում են ևւրօգական պետութիւնների ներկայացու-ցիչներին իրանց վրա ուղարկութիւն դարձ-նել և պաշտպանել նրանց ազգային իրա-ւունքները: Խնդրագրի վերջը ասված է, ա-մենք վկայում ենք, որ վերջիշեալ կէտե-րից աւելի մենք ոչինչ պահանջներ չու-նենք:

ՆԱՄԱԿ ԳԵՐՄԱՆԱՅԻՑ

Բերլին, 14 յունիսի

Այսօրվայ նամակով կը հաղորդեմ ընթերցո-ղին միմանցից անկախ լուրեր: Նորերումս հաւաքվել էր այսպեղ գերմանա-կան աշխարհագրական ժողովը: Եւ թէ և աշխարհ-ագրական ընկերութեան անդամ եմ, շատ դրադ-ված լինելով չը կարողացայ ամբողջ երկու օր նուրիկ ժամանակս այդ ժողովներին և նստելին, բայց վերջին օրը գնացի և առիթ ունեցայ ծա-նոթանալ մի քանի շատ յայտնի մարդկանց հետ, որոնց թւում նաև Հայկի համալսարանի պրո-ֆէսոր Ա. Կլիմենտի: Հետո, որի անունը չիւլված էր Վերբաքց հայերի դրութիւնը դասախօսու-թեան մէջ: Անիկ աւերակների մասին նրա ասած խօսքերի պատճառով կս պատմեցի նրան, որ ես էլ նրա յօդուածից մի անգամ մի քաղաքա-արեցի հայոց լրագիրների համար և նա շատ ցա-ղից որ հայերէն չը գիտէ, որպէս զի կարողանայ կարգով հայոց լրագիրները: Երբ ինչ նրան ներ-կայացրին, նա ազգանունս լսելով յանկարծ բա-կայանցեց «Ein Armenier! also wirklich ein äch-ter Armenier» (մի հայն, ուրեմն մի իսկական հայն եմ տեսնում): Այստեղի աշխարհագրական ընկերութիւնը բոլոր ընկերութիւններից ամենա-հետաքրքիրներից մէկն է և նրա թէ նիստերի ժա-

մանակ, թէ նիստերից յետոյ, նոյն իսկ ընթերիքի ժամանակ կարելի է հանդիպել ամենանշանաւոր և ամենաբազմաժան շրջանների մարդկերանց: Մարդը շատ բան կարող է սովորել յաճախելով այս ընկերութեան նիստերը:

Մի երկու շաբաթ առաջ բացվեցաւ առաջին էլէկտրական երկաթուղին Բերլինից ոչ հեռու: Յայտնի էլ էրնէր Յիմենս (Werner Siemens), որ և կովկասցիներին անցաւ չէ թէ իր պիւնձէ հանքերի գործարանների, թէ հնդկական հեռագրի չինութեան պատճառով, իրագործեց այդ իր վա-ղուցվայ միջոցը տանելով էլէկտրական մի եր-կաթուղի Lichterfelde (Լիխտէրֆէլդէ) երկա-թուղու կայարանից մինչեւ Լիխտէրֆէլդէի գի-նուստական ուսումնարանը: Լիխտէրֆէլդէ 1/4 ժամ հեռու է Բերլինից երկաթուղով և այնտեղ է գտնվում Պրուսիայի գլխաւոր զինուորական զարդը: Տարածութիւնը որի վրա կառուցված է էլէկտրական երկաթուղին 3 կիլոմէտր է: Դժո-տաւորապէս երեք վերստ) իսկ արագութիւնը, որով ընթանում է էլէկտրական կառավարման ժամը 20 կիլոմէտր է: Առժամանակ դեռ չեն կամենում աւելի մեծ արագութեամբ թողնել կառուցել: Այսօր լսեցի, որ Յիմենս դիտարո-թիւնն ունի յանձն առնել էլէկտրականութեամբ շարժել Սան-Վոնտարդի տորթերկույց անցքի (tunnel) երկաթուղու գնացքները: Եւ դեռ չը կարողացայ գիտել Լիխտէրֆէլդէ, որպէս զի տե-նեմ աշխարհիս մէջ առաջին անգամ կառուցված էլէկտրական երկաթուղին, բայց երբ այցելած կը լինեմ, անպատճառ իմ տպաւորութեանս մա-սին տեղեկութիւն կը տամ «Մշակին»:

Էլէկտրականութիւնը վերջին երկու տարվայ ընթացքում այնքան առաջադիմութիւն է արել ժամանակակից կենքի աշխարհի գոր-ծարկութեան մէջ, որ նրան անչաւա նշանա-ւոր ապագայ կարելի է գուշակել մարդկութեան քաղաքակրթութեան ասպարիզում: Թէլէֆոնները այնքան ընդարձակութիւն են ստանում, որ օրի-նակ Շտոկհոլմի մէջ նրանք ընդհանրա-պէս մեղրած են: Ամեն տեղ այդ քա-ղաքի պաշտօնատնիւրում գլխաւորները իրանց աշխատելու սենեակից յարակցութիւն ունեն-թէլէֆոնի միջնորդութեամբ իրանց մասնա-ւոր բնակարանների հետ: Իր պաշտօնատան մէջ նստած մի մարդ հաղորդում է, զիցուք իր կնոջը, որ այսօր, շատ դրադմունքների պատ-ճառով, պիտի ուշանայ ճաշին, կամ մի տեղե-կութիւն է պահանջում իր ամենից և այլն: Պա-կաս չեն և հանաքներ, որ պատմում են թէլէ-ֆոնի առիթով: Մի պարոն, օրինակ իր դրսե-նակից հարցնում է իր կնոջից թէլէֆոնի մի-ջոցով. «Ist es dir recht wenn ich heute Her-rn A. zu Tisch mitbringe» (որդեք ընդգէմ է՞ստ լինի, եթէ ես այսօր պ. Ա-ին միւղ օգտ ճաշին հրաւիրեմ): Կինը, չիմանալով որ պ. Ա. նոյն քաղէին իր մարդու. կողքին է կանգնած, պա-տասխանում է իր բնակարանից «Nein, less doch lieber den alten Esel fort» (ոչ, աւելի լաւ է արձակիւր պատաւ էլին): Կարելի է երե-ւակալել պ. Ա-ի դրութիւնը որ տիկնոջից իր մասին այդ տեսակ չորդադիմական կարծիք է լսում թէլէֆոնի ջնարկով...:

Ամերիկայի Միացեալ Նահանգներում այնքան սովորական է թէլէֆոնը, որ շատ բնակարան-ներ կապված են օրինակի համար մտախճառի, հացթուխի հետ, մի առանձին թէլէֆոն կայ գէլի դրամանակը, որտեղ հաւաքվում են կո-միսիոնէրները և այլն, և այլն: Այսպիսով, մի բայլ շանելով տանից դուրս, կարելի է, առանց սեփական շատ ծառաներ էլ ունենալու, ամեն անակ յանձնարարութիւններ ստել թէլէֆոնի թիւերը իսկապէս ամեն բնակարանից գտնւում են: Գտնաւորների մօտ և պահանջին համեմատ հար-կաւոր է միայն դժնապանին, նմանապէս թէլէ-ֆոնի օգնութեամբ ասել՝ «կապեցեք իմ թէլէ-ֆոնը մտախճառի հետ» և այլն:

Գարձեալ մի լուր: Բերլինի ձիաբաշ երկա-թուղիները, որոնք շատ բազմացել են այժմ, ա-հալին վատտակ ունեն: Շատերը, որոնք սո-վոր էին ստով ման գալու, առաւօտը գէլի ի-րանց գործը գնալով, կամ գործից առէ վերա-դառնալով, այժմ երկաթուղով են կատարում իրանց երթևեկութիւնը շատ էժան գնով (1/4 ժամ մօտաւարապէս արժէ 3 կոպէկ): Այդպիսով շատ ժամանակ են խնայում: Բայց չը նայելով այդ էժանութեանը, երկաթուղու վարչութիւնը այնու ամենայնի մեծ գումարներ է վատա-կում, որովհետեւ բոլոր գծերի վրա իւրաքան-

չիւր 4 կամ 5 րօպէկից յետոյ մի կտաք է գնում: Նորերումս, Համբարձման տօնի օրը, ձիաբաշ երկաթուղու ընկերութիւնը վաճառակից 38,000 մարկ, ուրեմն մի օրվայ մէջ 19,000 րուբլ:

Անդրէաս Արծրունի

ԱՐՏԱՔԻՆ ԼՈՒԻՐԵՐ

—«Times» լրագրին հաղորդում են Կ. Պոլսից որ թիւրքաց Հայաստանը դարձեալ մի տարա-փելի տառապանքին է ենթարկվել: Վանի կող-մերի 34 գիւղերը քանդված են երկաշաքից: Անգլիական հիւպատոսը գնացել է տեղի վրա կարօտեալներին օգնութիւն հասցնելու համար:

—«Presse» լրագրը հաղորդում է որ անգ-լիական կառավարութիւնը զիմէ է Լճիցի ուսուցչական դեպարտմէն խնդրելով նրան ներկայաց-նել անգլիական միջնորդութեանը Ռուսաստա-նում ապրող օտարահպատակ հրէաների մասին ուսուցչ օրէնքների պատճէնը:

—Լրագիրները հաղորդում են որ իշխան Բիս-մարկ սատակի հրահայ է: Այժմ, երբ ամբողջ Գերմանիան պատրաստվում է պարլամենտական նոր ընտրութիւններին, Բիսմարկի հիւանդու-թիւնը շատ նպաստաւոր չի լինի պահանջա-կան կուսակցութեան աջակցութեանը առաջիկայ ընտրութիւնների մէջ:

—Ֆրանսիական «La Citoyenne» լրագրը, որ հրատարակում է Իտիլին Խելթրօն (Սելիլի, հա-ղորդում է որ նորերումս գումարովեցաւ փարիզում Ֆրանսիական կանանց մի մեծ ժողով, որով կա-յացաւ կանանց իրաւունքների ընկերութեան ընդհանուր ժողովը: Այդ ընկերութեան ան-գամահները կամենում են ներկայացնել իրանց կանոնադրին երկու ընտրութիւններին: Դադովը պահանջում է որ քաղաքային խորհրդի պաշտօննե-րի մէջ կանաչ էլ իրաւունք ունենան մասնակ-ցել: Տիլինները ուղարկեցին մի նամակ հայա-նիքի պատգամաւորին և ուրիշ պատգամաւորներին, հարցնելով նրանց արդեօք պատկանում են նրանք կանանց քաղաքական իրաւունքների կուսակից-ներին: Պ. Տալանդիէ պատասխանել է որ իր կարծիքով իւրաքանչիւր ֆրանսիացի, ինչ սեռին և պատկանէր նա, պէտք է հաստատ քաղաքա-կան իրաւունքներ վայելի ֆրանսիական հանրա-պետութեան մէջ:

—Լճիցիում կայացել է բանուորների մի ժո-ղով: Ժողովը հետեւեալ որոշումն է արել: Երբ-հետեւ լուսարները ամենից շատ հարկ են վճա-րում պետութեանը, բայց չունեն իրաւունք ի-րանց գաղակարգի ներկայացուցիչներն ունենալ պարլամենտում, այդ պատճառով խնդրեց ներ-կայացնել կառավարութեանը որ պարլամենտա-կան գալու ընտրութիւնների մէջ անգլիական լուսարներին էլ իրաւունք ունենան բնորոշ ի-րանց ներկայացուցիչներին պարլամենտի մէջ:

—Անգլիական կանայք նորերումս ժողով են կայացրել Լճիցիում, որտեղ վճարեցաւ խնդրեց ներկայացնել պարլամենտին, որ կանանց էլ թոյլ տրվի քաղաքական ընտրութիւններին մասնակ-ցելու:

—Մայրաքաղաքի ուսուցչական լրագիրներին հեռա-գրում են Լճիցիից որ յունիսի 2-ին կը կայա-նայ Լճիցիում միջազգային սոցիալ յեղափոխու-կանների կոնգրէս:

—Կ. Պոլսից հեռագրում են որ այդտեղի ուս-սաց դեսպան Նովիկով ուղեորվում է Ռուսա:

—Իտալական նաւատորմի մի մաս ուղեորվում է գէլի Սալոնիկի, միւսը գէլի Զմիռնիա:

ՄՇԱԿԻ ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆԻՑ

Ս. ՊԵՏԵՐԲՈՐԳ, 10 յունիսի: Պաշտօ-նապէս հաղորդում են, Լեհական զործերի մասին նշանակված մասնաժողովը ոչնչաց-րած է: Քննութիւնից երեւոյց, որ Եկատե-րինական ջրանցքի մէջ ապրիլի 6-ին գտն-ված ուսմիթերը անցելու ամառն են գրված: Կիւլի մէջ բռնված քահանայի անշիկ Ան-նա Վասիլեւիկա Եկատեւի մասնակցել է Հանգուցեալ Կայսրի կենեքի գէմ արած փորձին Ալէքսանդրովիկի մօտ և մարտի 1-ի եղեռնագործութեանը, զեղջիւհի Կո-բոգեւիայի սնունդով ապրելով Սալոնիկի փո-ղոցի վրա: Երտեղ ական էր լինված: Գծի զօրքերի ատաման Կրասնոկուտսկի արձակ-ված է ծառայութիւնից հիւանդութեան պատճառով: Գնեւրալ իշխան Ալեքսանդր Միլսկի երկրորդը նշանակված է Գծի զօր-քերի ատաման: «Полоса» լրագրը հա-ղորդում է, որ ջերնոգորիայի իշխանուհին ստացաւ Եկատեւիայի ժապաւէն և ասող չբանշանները առաջին կարգի:

Խմբագիր—հրատարակող ԳՐԻԳՐ ԱՐՄԵՐՈՒՆԻ